



和  
1604  
10



明和16  
1.60.4  
18

花陽聯吟卷之二 詩腸原卷

吳縣沈奎 見詩

莫嫌近市盡囂塵風月依然竹石新  
天遣名流為地主世知達士即僊人  
竟偕文祝長攜手早笑機雲自失身  
擲去千金歸故里有人碣石記陽春

指李獻吉

廉吏從來畏近名出山泉比在山清  
萬間廣廈長思庇三尺孤墳詎忍平  
懷古如公題牘重登樓有客看山明  
子西曠達子方直又見門才次第生

一第無緣命也奇闡幽賴有兩公知  
曾公安袁大如集賞音畢竟推吳令  
奏曲真宜獻楚詞綠水一泓非舊徑  
桃花

花陰聯吟  
幾樹認新祠謝詢請爲諸孫表封墓高情在有司  
逃名自禮佛前燈領取頭銜粥飯僧白社禪從耽酒悟  
青蠅隙自愛文乘田園蕪廢畱松菊眷屬捐除斬葛藤  
如此長眠真有幸幾家吹笛上邱陵

崑山徐雲路嬾雲

中吳舊蹟埽如塵玩世丰標歷劫新桂籍無雙稱國士  
桃花有主屬才人戴逵謝使能全節范粲佯狂冒辱身  
自是平生風義在一杯芳州綠長春

婦孺爭傳才子名流泉終古在山清詩吟俳體真無賴  
酒縱糟邱太平學恥投時纔跌宕觀變最分明  
更捐妻子能高舉一箇張靈是友生

放廢何曾歎數奇畸人心跡不求知寫來游屐江山畫  
唱徧旗亭花月詞零落棠梨尋舊冢消沈香火拜荒祠  
興脩差喜逢苗裔賢令高風替左司

我游僊館問禪燈賸墨殘編護老僧東壁風流摹石印  
北邙花雨演金乘橫塘秋遠環寒水桃隲春深絡古藤  
解說長官傳雅化聽他慧鳥有迦陵

元和徐錫齡厚卿

飛閣通波近市塵才華獨與歲華新青山拄笏思前輩  
紅杏裁詩尚古人曠世誰憐名士氣一莖還見宰官身

種桃何必元都觀珍重棠陰護好春  
讀書豈必爲功名不礙浮雲點太清滿目蕭騷詩寫出  
填曾塊壘酒澆平狂來走筆千言少醉裏觀碁一著明  
莫問鬱輪袍故事晚途還是可憐生

牢落生前歎數奇名山大壽幾人知明時風月蕭閒客  
畫裏神僊絕妙詞東郭舊傳紅豆曲西鄰爭說白公祠  
匡廬衡嶽同千古能事須歸良有司

辦香是處問傳燈未許長爲托盃僧柳絮一簾空寂寂  
楞嚴十卷悟乘乘文章造命符鍼芥規矩從心杜葛藤  
極羨公門好桃李前脩慚愧說徐陵

元和陳本直古愚

城陰綺陌動芳塵蘭若重開勝境新十笏尚存埋玉地  
一杯深護種桃人爭看白雪留題句會把黃金與範身  
才子亭空僊館啟後先佳話共千春

倦游嶽瀆晚逃名小隱偏耽風月清廢墅年深荒艸沒  
僊源徑仄落花平買山舊約期昌穀鑄壁新題待允明  
卜築西城似西塞一龕長傍古先生

落魄平生感數奇醉鄉心事竟誰知疎狂蹤跡青蓮傳  
潦倒年華錦瑟詞野水橫塘尋斷碣夕陽深隍拜崇祠  
高風一樣梁鴻墓俎豆何人爲典司

古閣疎櫺透佛燈六時泥埽屬庵僧楹間字具真三昧  
集裏詩傳最上乘應許蒼苔澆濁醑不教翠屋補枯藤  
纍纍荒冢蘇臺下無酒無花笑五陵

郭文燦 硯香

第一風流付劫塵荒祠何幸此時新正逢滿縣栽花日  
卻憶當年縱酒人負郭屢尋高士蹟愛才真見宰官身  
碧桃灼灼迎風笑才子亭邊又送春  
藝傳三絕重才名世上何人表獨清縱有奇蹤追顧陸  
豈無經術繼韋平崔莊通膈心寧屑楚獄全身識最明  
悵悵詩成還醉臥露桃花下悟無生

蹤跡真成一算奇襟懷慷慨有誰知空傳兩袖黃金泪  
尚賸千篇白雪詞花徑斜通賈島墓艸堂親謁杜陵祠  
豐碑名重璇宮榜莫以冬烘怨主司

閣上吟詩映佛燈隨時粥飯半依僧絕無雷戀真僊境  
一落言詮卽下乘好事猶聞歌碧玉名家更與寫紅藤  
商邱雅望今重見從遣人稱下馬陵

吳縣 殷奕震 際雲

斯文不遣委風塵爲有神僊贈墨新漫說接輿曾玩世  
誰知太白本狂人鶯花尚想生前蹟水月難尋化後身  
廡外小桃開欲滿穠華絕勝舊時春

肯將捐客累才名長謝雄藩兩袖清浪迹湖山容落拓  
放懷詩酒寄生平偶然點筆全無宋獨自成家重有明  
眞賞到今原不朽底須石上話三生

縱酒當年悵數奇豈期閱世有心知才華一代思前哲

脂粉千場感舊詞更種桃花連文室重開僊館接遺祠

表章卷畫溪邊宅兩地馨香載典司

明府宰荆溪  
脩盧志肅祠

六如妙諦得傳燈才子因緣卽定僧曾說生天須慧業  
況經歸佛悟眞乘看花客去空芳州吊古人來策瘦藤  
從此吳儂誇韻事勝他下馬賸荒陵

元和張正初倚宣

偶從隄畔踏香塵花陽看花色轉新瞬息古今同逝水  
淵源風雅藉傳人纔知才子千秋業始信神僊小劫身  
不是茅庵重結好絳桃三月爲誰春

佯狂豈必惜微名擾擾風塵我獨清老去逃禪心作達  
興來縱酒氣難平弋人舉網千絲密國手圍碁一著明  
野史訛傳才落拓後賢議論太橫生

初度庚寅數自奇風騷畢竟有人知中丞爲拓渠渠屋  
宗伯重賡悵悵詞麥飯幾人來舊冢溪毛有客薦荒祠  
而今尚沐甘棠蔭一本栽培賴有司

居士能傳釋氏燈半生蹤跡類詩僧名花已見諸空相

淨業微參最上乘讀書尚遺千頃墨看山曾藉一枝藤  
傷心好句成詩識芳艸萋迷夢灞陵

吳縣 吳兆松 又濤

桃花落後委紅塵誰使茅庵樹樹新風月流連隨過客  
湖山管領合文人滄桑前事經三度吳楚名流望此身  
異代扶衰能有幾笑他小杜只尋春

豈有奇才不擅名羞談阿堵舉家清淵明乞食身無累  
摩詰登場氣未平早達聲華同舍忌窮途心事後人明  
中郎一體憐才意感激還應寫治生

名士何須恨數奇九原尚荷鉅公知傷心一掬唐衢泪

上表千秋沈炯詞文到多情惟祭墓教能移俗是脩祠  
孤寒八百齊聲誦不獨文章替左司

梵夾頻緝悟五燈數椽老屋付山僧生前不作非非想  
身後應超上上乘清福馨香三楚菊塵心割截一枝藤  
風風雨雨桃花隲也比夷門弔信陵

吳縣 胡世俊 簷香

細雨微沾漠漠塵似曾相識燕來新六朝花艸吳門路  
曠代才華地下人縱酒未除名士習登場重見宰官身  
卽看洞口霞爭爛占盡僊家歲歲春

夢墨紛傳海內名可憐濁世獨君清絕無愁怨形殷浩

大有牢騷感屈平酒氣都從十指出花光爭射兩眸明  
劉郎蹤跡今看再葵麥何處繞屋生

封侯無分數原奇放浪形骸老不知適館更傳華胄禮  
題碑應製外孫詞風流人踐三生約香火緣深半畝祠  
重整騷壇千古豔獻花座上有專司

枯禪靜閉一龕燈寫盡芭蕉似醉僧兀坐能除煩惱想  
孤行真得淺深乘階前軟艸依清沼檐際高枝冒壽藤  
天上麒麟時一降古來寶誌識徐陵

元和張遇庚味專

名士誰能繼後塵重脩僊館一番新獨憐今日留名地

總是當年失意人舉世任教看白眼一生成就此間身  
桃花種處環牆堵不比尋常野寺春

偶然小隱此逃名寂寂僧寮分外清花影不隨流水去  
書聲疑與暮雲平人稱六代風流豔自許千秋眼力明  
從古佯狂才獨大豪華何不重書生

聲華籍甚數偏奇寥落襟懷只自知遊戲佛僊皆本色  
平章風月有新詞吳趨舊是名賢地桃鴉欣看居士祠  
卻羨河陽傳韻事公餘猶作掃花司

舊碑冷落照寒燈讀罷真堪說與僧縱酒百年能幾日  
悟禪一理到三乘門前綠水池爲鏡屋角蒼煙月挂藤



香艸美人今已矣春風猶自上邱陵

談駿飛

繁華閱盡出紅塵占得才名絕代新十斛明珠金谷宅  
一溪芳艸武陵人鷓鴣啼後餘荒土蝴蝶香中夢此身  
華表依稀城郭是桃花開徧去年春

賸有恒沙劫後名可知僊骨本來清詩懷落寞憐崔護  
才氣從容祖屈平結客黃金終散盡看人白眼尚分明  
姑蘇城外花如錦一角青山老半生

玉樹長埋歎遇奇文章顯晦寸心知騷壇一席奇男子  
春色三分幼婦詞別墅留題摩詰畫瓣香合禱少陵祠

瀉山忽見桃花悟從此桃花老衲司

重開僊館傷然燈公退閒尋竹院僧花繞河陽同騎省  
風流梁苑屬枚乘穿來曲徑雲生座讀罷殘碑月挂藤  
好藉吾師儒雅筆蝦蟇莫誤仲舒陵

吳縣 彭希彬

名士風流掃俗塵殘縑賸紙至今新誰從蔓艸荒煙地  
更問禪心俠骨人未必種花懷故宅已將奔電視前身  
舊同諧牒來賢宰爲補空庵一片春

淡墨空題一紙名放歸只聽管絃清書無甲子編元亮  
歲值庚寅降屈平璞過荆山還痛哭劒埋獄底倍光明

請看桃葉桃根在，花若多情感再生。  
能傳翰墨數非奇，身後猶蒙特達知。  
定爲憐才按勝蹟，偶因校士索新詞。  
春濃棠樹分餘蔭，晚退琴堂謁此祠。  
原上怕通樵采路，按行花木有人司。  
鄰庵夜照一龕燈，管領春風付寺僧。  
公案讖先吟七字，前塵悟亦入三乘。  
不嫌紺宇環芳樹，莫遣蒼碑絡古藤。  
贏得詩壇添韻事，愧無大筆擬徐陵。

顧嘉瑞 楠堂

年來勝蹟委風塵，何事祠門到眼新。  
僊館重開欣埒馬，桃花依舊笑迎人。  
柳圍彭澤高人第，梅伴孤山處士身。  
多少吟懷勞眺望，一簾暮雨十分春。

園以唐家舊得名，結廬勝境夢魂清。  
風流自信才堪用，游戲能消意不平。  
曲度牆陰尋彷彿，花飛隴外看分明。  
靈均獨醒原無補，縱酒饒他過一生。

莫道英雄命數奇，偏教曠代遇相知。  
幾堆舊本青山照，一卷新編黃絹詞。  
宿州盡除才子墓，密陰半掩解元祠。  
脩文天上應生感，不作人間薄命司。

寺門畫掩讀傳燈，尋勝常逢竹院僧。  
人隔古今同譜系，偈參大小識禪乘。  
得經時雨開紅杏，爲降僊靈植紫藤。  
知否藥闌東畔土，當年曾築落花陵。

吳縣 吳慶孫 養亭

拚教絃索一牀塵依舊花枝色斬新黃土三生誰是主  
絳桃幾樹屬伊人輕狂漫信無稽口明哲能爲自在身  
不使雄藩羅致去即教此事已千春

縱酒吟詩負盛名居然人濁我能清聲華極處天猶忌  
放逐歸來意轉平繪事直能爭北苑閒情端不讓淵明  
紛紛裙屐相規仿只恐先生笑後生

莫道名高數太奇能教易世結心知獨披宿州尋遺蹟  
補種緗桃寫豔詞新綠揉藍名士渡澹雲微雨小姑祠  
中間著箇才人墓花鳥三春是職司

重添僊館讀書燈供養憑他上座僧常對春風消百感  
好聽夜雨證三乘題碑妙墨抽花管記事新詩展楮藤  
愧乏鏡湖秦望句敢言酬唱繼蘭陵

長洲 孫晉灝 補雲

北郭紅飛拂面塵一孤墳對艸堂新時攜賓客尋高會  
盡得風流見替人吟嘯莫興今昔感文章好證去來身  
萬花簇簇爭迎笑異派僊源總是春  
縱使驕王慕盛名不同作客謝臨清  
蘊思有張曹掾  
兒女情無向子平悟到真如皆智慧看穿塵障得光明  
新詩重立騷壇幟歡喜心應逐字生

才人命數古來奇跌宕風懷異代知  
盃茗鑪香晨讀書  
烏絲紅袖夜填詞吟魂曾續江郎夢  
佳話同傳白傅祠  
謂任曉  
邨太守三尺碑題前解首禁他樵牧  
有專司  
年年寒食偏青燈  
錫粥曾供洗鉢僧  
崔護題詩前度在  
子猷高興幾回乘  
歌邀月住浮春  
甕鶯踏花翻  
冒古藤  
賸馥餘膏按采徧於今故劍感延陵

吳縣 郭文燦韻溪

寸心不染簿書塵  
韻事能教舊事新  
此日琴堂脩縣譜  
當年花隱有詩人  
鑄金賈島應成佛  
荷鋤劉伶豈化身  
祠墓荒涼頻見訪  
飛鳧過處爲班春

談藪爭傳放達名  
佯狂誰爲表孤清  
蓬山鄭朗身曾到  
吳苑枚乘意不平  
邱壑寫來幽興遠  
蓴鱸歸去見機明  
可中亭上天魔舞  
縱酒淋漓只兩生  
殘編畱得若干奇  
能使流傳世上知  
長抱梧枝旅霜恨  
難忘桃葉渡江詞  
寒泉欲薦時聞梵  
清俸堪分再葺祠  
此後江南寒食節  
小桃花下話分司  
茅庵猶照讀書燈  
與佛同居合倩僧  
碑好字應酬一絹  
詩工語已悟三乘  
壁間遺蹟畱青管  
爐內名香爇紫藤  
蘸筆閒吟僊館靜  
雨花香裏聽迦陵

吳縣 汪翼銘

僊吏居塵不染塵好將舊蹟再更新  
花開廢隍誰爲主  
津間沿溪卻有人帶闌通闌尋大隱  
吟詩酌酒認前身  
笑他無價滄浪買不及桃源訪暮春

曾領賢書第一名築居偏愛土風清  
放歌何代無唐勒  
獨醒當年有屈平桃樹回春增愛惜  
高樓俯水倍空明  
湘蘅杜若騷人佩佇見芬芳一處生

誰說才人數必奇風流異代得心知  
十弓地闢逃禪室  
七澤家摘絕妙詞爲語緇衣脩淨業  
曾經青眼到荒祠  
并教宋玉名長著風雅真堪式有司

小樓燭翦短檠燈紙帳蒲團冷似僧  
見說祠門方丈地  
可參佛法大千乘春深懶見隨風絮  
夜靜頻窺漏月藤  
更有橫塘畱片土恐同下馬誤墓陵

吳縣 蔡復午 竹蘭

慧業靈根不染塵無邊風月一番新  
江城碧艸迷僊路  
石室紅桃問主人漫誕管絃愁裏夢  
淒涼裙屐醉中身  
小園舊是誅茅地畱得鶯花占好春

愛名深處慣逃名屏跡幽居獨抱清  
通牘悔曾交補闕  
奏書嫌未遇東平美人謠詠心疑悄  
才士姱脩鑑倍明  
阮籍猖狂誰會得酒瓢詩篋送餘生

曠代聲華數不奇每從循吏契心知  
旌堂舊結紅蘭社

高指宋花縣新翻白雪詞  
斷蘚斜陽按古碣  
寒泉秋菊薦荒祠  
風流勝槩吳儂說  
競羨文章替左司

禪房寂寂尚留燈  
一瓣心香付老僧  
露電埽空餘半偈  
聲聞超徹悟  
三乘遺編珠玉濃  
熏麝畫壁雲煙冷  
挂藤羸得名流  
徧題詠瀾翻妙語似迦陵

元和周 雋 嘯霞

斷碑三尺久埋塵  
一望平蕪宿艸新  
當日問誰憐古墓  
此君曾自號僊人  
恰逢賢令脩遺址  
爲植桃花證後身  
佳話者番傳  
欲徧每聞父老頌陽春

才得浮名便諱名  
隨波那得俟河清  
飄零名士傷羅隱  
遲暮佳人感屈平  
夢墨孤亭荒艸沒  
讀書小閣夕陽明  
遺文傳徧吳中口  
覽古真教百感生

自信名高任數奇  
文章曠代有人知  
憐才每下青衫泪  
好古重按白雪詞  
猶記香山崇舊社  
復看僊館署新祠  
桃花可當甘棠植  
他日應懷良有司  
孤月鐘聲伴佛燈  
僊蹤久益叩禪僧  
風簷幸讀無雙句  
妙偈知參最上乘  
多士感深勞玉尺  
新詩寫徧貴溪藤  
文壇宗匠騷壇主  
半是廬陵半少陵

嘉定 程芝筠

謫僊揮手謝紅塵  
空賸年年墓艸新  
卻幸青雲來貴冑

深憐黃土葬才人風清庭認巢烏影月冷林歸化鶴身  
頃刻栽培成勝地果然有脚勝陽春

偶入山公啟事名浮雲誰遣滓高清真才世竟疑張奭  
故里今空比屈平荏苒年華花下送浮沈心跡醉中明  
窮居賣畫言還壯萬里江山筆下生

居士

黃金泪涸命雖奇文采風流千古知桂子香仍歸玉局  
蓮花落豈比新詞更芟野蔓開僊館爭采江蘼薦古祠  
地下才人應拍手而今始得一家司

安得一家司世守  
經過常見墓松青

閩麟嗣詠  
居士墓句

靈光不斷勝傳燈文字前因欲問僧補種桃花償薄命  
近依貝樹啟真乘小樓清磬敲紅雨深院香煙絡翠藤  
一樣女墳湖上路無人酌酒到荒陵

長洲王

琨貢三

六如遺蹟久埋塵花竹重隨好句新潤向廉泉分勺水  
移澆杯土慰詞人掃除幽雅蕭間館供養窮愁落拓身  
從此河陽增勝境緋桃長駐十分春

江湖豈是為逃名心事真堪比水清信手題詩懷欲放  
呼朋醉酒氣難平間將畫筆兼詩筆直壓徵明與允明  
意改明珠同被誘獨邀花月契平生

潦倒何須歎數奇風流自有後人知一經芟薶成芳徑

恍接談諧雜雅詞貯佛幽同何點宅鑄金愛竝范蠡祠  
墓門不要凡人管只許多情夜月司

論文官閣示元燈衣鉢親傳學定僧拄笏青山情自遠  
尋碑剔蘚興堪乘平畦一帶泥穿竹老屋三間瓦蓋藤  
為有棠陰雷滿路郊埏瞻拜勝蘭陵

長洲蔡北奎 星眉

金閨亭畔雨霏塵僊館重開結構新一徑紅香埋斷碣  
半杯黃土葬詩人已參夢幻空諸相未必顛狂誤此身  
千古同心惟李白醉眠花下度殘春

京兆衡山各擅名雲庵閒坐午香清嗜書漸入孤高境  
縱酒難澆塊壘平祠宇復聯禪宇菁桃花新共縣花明  
兩唐不必稱西漢循吏才人異代生

畢竟名高命獨奇悠悠心事有誰知千秋灑泪唐衢恨  
一曲招魂楚客詞才子無家畱廢寺詩僊有後整荒祠  
少陵能下樊川拜不數陶孫作里司

酒杯三月鳳頭燈居士 蝸角名消靜愛僧佳話同傳僊  
掌路前身曾入佛家乘絃歌聲遠穿花隔黎棗文傳付  
雪藤從此新祠鄰季札武陵風景近延陵

吳縣陳文璉 器亭

綠陰深處總無塵卻為僊居盡換新一隴煙霞歸畫本



卅年花月屬詩人  
桃源豈必離凡境  
蘭若重教認化身  
何幸一時傳彩筆  
也憑下里和陽春

才子亭留才子名  
襟懷冰雪與同清  
壺天有路蒼苔潤  
釣艇無波石礪平  
此地浣花同子美  
當年縱酒學淵明  
漫憐埋玉依禪舍  
滿眼園林春意生

誰道名流長數奇  
身前身後儘堪知  
六言悟得如如法  
千載空傳悵悵詞  
竹樹通幽章氏墅  
湖山分勝伍胥祠  
鯉僊妙墨重收拾  
好借當時玉女司

簾外花風塔外燈  
掃除蓬徑許招僧  
茶煙粥鼓人何在  
酒盞花枝興可乘  
擬讀殘碑捫碧蘚  
好憑遺貌拄紅藤  
憐才別有千秋感  
太尉墳前哭少陵

吳縣 吳懋功 麓莊

第一風流迴絕塵  
桃花更比萬花新  
天教風月成名士  
詩爲山川作主人  
片土已悲荒後艸  
殘碑誰計再來身  
要離冢畔燐燐火  
難照祠前一樹春

一代詞壇早擅名  
歸來花隴境幽清  
放懷或異文徵仲  
點筆還高陸叔平  
酒盃茶鐺悲落拓  
鬢絲禪榻證空明  
重尋三百年前事  
芳艸祠邊處處生

才人牢落數偏奇  
詩酒情懷孰與知  
本是謫僊供奉侶  
爲傳逋客錦囊詞  
一簾紅雨迷芳徑  
半壁蒼苔蝕古祠

人在青山呼欲出花神從此有專司  
鐘鼓禪堂映佛燈兔葵燕麥伴殘僧使君能作名山主  
此地應稱最上乘粉本已傳高士筆詩篇更付剡溪藤  
千秋佳話聞吳下一苑桃花憶武陵

元和李逢辰 馥堂

故址曾飛東海塵而今祠宇又更新黃金鑄像留佳士  
碧冢誅茅賴後人千古風流般飲地百年花月苦吟身  
多情憐到桃千樹力挽劉郎前度春  
綠字豐碑看勒名路人爭說長官清一琴春晝虛堂靜  
三徑年深蔓艸平才子有亭容客醉天桃無樹不花明

可堪回首荒蕪日釀酒斜陽百感生

佯狂漫道數偏奇磊落心期後世知宋玉招魂曾作賦  
韓翃題石有遺詞三生黃土空禪榻百世清風弔古祠  
白傅隄邊新卜築同時嘉話告諸司  
分取光明佛座燈寫經曾與水雲僧憑軒對客情難盡  
載酒論詩興可乘幾處新蟬嘶夏木半窗涼月挂疎藤  
佇看春到桃花隔一片紅霞似武陵

元和章攀雲懷白

艸屋柴門無點塵居士到門綠水者番新只今才調推  
前輩自古風流有幾人遺世每多天外想看花還悟夢

中身心香一瓣知遙屬薄采溪毛薦早春

家近金閭恥噉名高懷也似伯鸞清書成冤獄身將隱  
聘卻驕王氣轉平五柳宅邊招故老百華堂裏憶春明  
可憐經濟終難展賸有佯狂寄此生

途窮不怨命偏奇此意除非太白知花下漫臨狂艸帖  
雪中高唱乞兒詞歌臺時見三生影勝蹟還留一古祠  
餘韻流傳歸大雅護持端賴牧民司

幾樹松杉閔漆燈餅花供養有高僧才華自許無雙士  
微妙曾參最上乘蕭寺銜碑捫碧蘚秋風繞郭曳紅藤  
絳桃分植河陽縣彷彿當年臥茂陵

長洲 王鳳誥 南垞

江表才華迥出塵崇祠重拓百弓新僊才未肯貪僊福  
散吏何如署散人近郭青山環古閣舉杯明月印前身  
墓田丙舍寒煙外夾岸桃花送暮春

吾家奕世舊知名玉筍聯班入座清

居士為先文紅樹  
恪公門下士

花環三畝曲綠蓑煙冷五湖平祇今詩酒風流歇憶昔  
亭臺夕照明三百餘年成故事通門孔李事先生

名士從來命數奇竹林故態幾心知山人醉狎紅兒唱  
京兆閒翻白石詞地接密庵開曲隄址尋學圃闢新祠  
河陽仙吏花栽徧韻事他年繼左司

蕭寺名花護佛燈  
敲門月下  
有歸僧  
閒參四偈  
真如諦  
靜悟三車  
最上乘  
陰滿甘棠  
連絳萼  
芟餘蔓  
艸絡疏藤  
回思白傅祠  
邊過俎豆  
還欽配少陵

元和蔡雲鐵耕

才子聲華耐劫塵  
青衫翠袖舊聞新  
多情老作逃禪客  
失意佯爲縱酒人  
艸掩一杯花  
下土夢拋四句偈  
中身荒庵忽與重栽樹  
滿隄春分滿縣春  
金粉南朝舊有名  
吳趨雅詠土風清  
奏書語隱奇枚叔  
屬艸詞工累屈平  
觴月高樓狂突兀  
擁花深幄豔分明  
秋風興動東曹掾  
蓴菜鱸羹過此生

身後休嫌數尚奇  
縣津表墓結深知  
看花又斷遊人跡  
立石仍題幼婦詞  
銜署散僊開別館  
靈飯古佛傷仁祠  
寒泉一盞同家祭  
俎豆何當隸有司  
冷照長眠古漆燈  
生天合是六朝僧  
春酣儘對無雙豔  
夙慧能參最上乘  
鴻爪按尋殘楮墨  
龜趺收拾舊榛藤  
僊源一向誰爲主  
人境從教闢武陵

長洲周學恭磊軒

玉樹長埋豈化塵  
舊時池館頓如新  
吳門落拓狂無主  
晉代風流派有人  
惜少添丁爲後起  
可能徐甲復前身  
澆墳剛值花初放  
重睹桃源洞裏春

蕊珠牖放早題名底事難容謁上清當路何人知北郭  
諸王未敢擬東平卷施拔後心猶戀鳩鳥媒時語未明  
只合桃花庵裏老南華讀罷道心生  
莫向泉臺怨數奇招魂楚客最相知能銷紅粉青衫恨  
徧寫黃金白骨詞花放欲尋參政蹟泉流應傷水僊祠  
共推吳下風騷主不比尋常作有司  
雨打蓬門雪打燈一瓶一鉢水雲僧不畱虎牘無凡骨  
能立牛車是上乘何事傷春復傷別佇看垂柳又垂藤  
逃禪享盡清閒福早向生前笑五陵

元和徐縉華浦

江南三月雨如塵陽裏招提景象新賞酒重來前度客  
栽花不見舊時人文辭債了餘荒冢香火情長住幻身  
題壁今看僊吏句滿城桃李唱陽春

一第何如身後名高懷大節喜雙清吳門市已無梅福  
湘水人猶弔屈平芳樹重看春旂旆艸堂依舊月分明  
追思三百年前事文酒風流爲寫生

生憐夢晉數同奇姓氏從教薄海知才子今爲香案吏  
女郎空唱竹枝詞棠梨寂寞橫塘墓簫鼓喧闐花隲祠  
片石畱傳足千古松楸蘋藻有專司

丈室長畱無盡燈吟魂清夜伴枯僧癡頑覺後皆三昧

花隱  
仙釋參來共一乘  
藏畫人珍和氏璧  
鈔詩紙貴剡溪藤  
傳家文藻今何忝  
不獨樊川繼少陵

元和 金廷照 白亭

桃隲深深迴出塵  
祠雲重護墓碑新  
當年坎壈知何物  
此日馨香大有人  
磊塊酒澆空末路  
繽紛花放認前身  
竭來賢宰仁風播  
要使幽芳觸手春  
全身玩世得狂名  
青史流傳心跡清  
麾扇過江塵漸遠  
抽帆到岸浪初平  
畫禪已是開元宰  
艸聖尤能敵允明  
一懸栽花真有數  
令人不敢薄儒生

苦吟悵悵數偏奇  
消受才名世也知  
待詔風流還把臂

中丞韻事爲摛詞  
直教一例香山社  
便擬三高笠澤祠  
指點橫塘迷斷碣  
應將詩句問春司

悟來泡影續元燈  
半是詞人半是僧  
館記游僊超歷劫  
場開選佛悟三乘  
雲煙零落金壺汁  
詩卷雕鏤玉版藤  
多少名流齊和曲  
妙音天際聽迦陵

長洲 朱雲驤 衡 颿

僊吏風流迴絕塵  
六如廢圃者番新  
能知名士非狂士  
始信今人愛古人  
十品蓮華參妙諦  
三生玉局憶前身  
何須重問元都觀  
零落紅桃幾度春

逃禪底事更逃名  
心跡真看徹底清  
磊落從教才獨放

牢騷詎必意難平詩中風月揮毫捷畫裏煙雲到眼明  
翰墨千秋空掩映疇將公案證無生

自昔才人歎命奇襟期畱待後賢知宰官幸得無雙士  
燕寢還披絕妙詞湖上好尋參政宅隄邊重禮白公祠  
從教韻事堪千古秀麗吳山得主司

衣鉢傳來續舊燈閒情宛似退居僧鳴琴雅化民胥洽  
橫槩雄風氣孰乘孤館莫教縈弱蔓閒庭無復挂疏藤  
文章奕代相輝映不數公安與竟陵

長洲張椿銀槎

佛龕蕭冷久生塵舊事如雲變幻新半畝桃花原有主  
百年香火待斯人風流佳話思前哲鴻雪因緣證此身  
畢竟憐才心倍切成蹊占得幾枝春

僊佛情懷才子名軒軒心跡羨雙清狂因詩酒都無礙  
鳴以文章豈不平賸有茅庵傳姓字更誰麥飯奠清明  
而今浮土培三尺始信前賢死尚生

澆愁不信命多奇行樂兒童說也知酒聖畫禪名士福  
美人香艸解元詞粥魚果見空王宅俎豆尊同楚相祠  
斷碣摩挲齊下泪表揚文獻賴官司

一聲清磬伴禪燈享祀春秋付老僧良有司能扶大雅  
善知識已悟三乘詞分黃絹都鐫石門對青山合補藤

此後鷓鴣休叫月武陵春色屬延陵

元和程世欽印香

滿陽天桃避俗塵欣看風景一時新  
笑言李泌真僊骨誰識江淹是恨人  
跌宕鶯花餘結習流連水月認前身  
吳儂也替青袍感分得三湘七澤春

名士風流恥競名心持一偈夢長清  
偶將詞賦追唐勒莫以離憂擬屈平  
偏向鳳皇稱快活最憐鸚鵡誤聰明  
浣花牋紙桃花色義山句多少詩人代寫生

底事名流必數奇生前落魄後人知  
傷心怕詠庚寅句

佳話重緇甲戌詞宋中丞脩居士墓在康熙甲戌自昔鉅公題短碣於

今華胄著崇祠姓名猶得雷文苑較勝西涯位鼎司  
猶憶樓頭夜炷燈焚香默坐在家僧一心悟徹三千界  
百事參空大小乘塊壘胸中澆綠醕江山勝處策青藤  
有花有酒君何恨不見鋤田到五陵

吳縣葉振青蘭舟

六如山館久埋塵幸有循良邑宰新  
弔古百年懷故宅憐才異代重詞人  
清狂肯屈平生志放浪終全抗節身  
此日辦香畱雅韻桃花重發滿庭春

南畿冠冕早揚名都穆難容我獨清  
山水遨遊隨寄託文詞瀟灑見生平  
樓頭讀畫心偏遠原上看花眼獨明



聞說誅茅興百堵待持杯酒禮先生

儒冠窮厄數成奇弗替流風曠代知疇昔中丞曾枉騎

同時宗伯亦摘詞樵歌幾下儀曹墓楊儀部南峰墓在

大中丞葛絮酒空陳待詔祠文待詔祠在滄浪亭何似準提才子

地寺僧香火有專司

結庵誰續讀書燈寄跡曾來有髮僧謂端孝堪信後先

多合志因知興廢每相乘傷心莫種當風桂闕徑應菱

礙路藤還乞公餘徵逸事重披宿州問邱陵雷井研云墓在橫塘

蘇州潘世錦靜軒

謫下神僊不染塵昆明劫後墨痕新當時卜宅家無具

此日栽花邑有人慧業已隨靈運後因緣應是辨才身

孤亭舊榻畱才子酌酒真宜及暮春

故里猶畱沒世名此間風露有餘清宅同蓮寺先曾捨

墓近金閭幸未平三字停雲題鄭重一碑蝕蘚字分明

闡幽師意君知否直為憐才啟後生

文章憎命例多奇異代重逢華玉知天女維摩方丈室

青春白日大招詞癡情願作陶家土韻事同傳退傅祠

一瓣心香依古佛瓶花還倩芡芻司

直從淨業續前燈想像靈山白足僧僊館卽看題墨妙

才人大抵契蓮乘新圖點染元都樹貞石臨摹玉版藤

較勝江州白司馬問人家住在墓陵

嘉定 宣 鏞承吉

朗徹冰壺不染塵  
墮垣破瓦得重新  
差同少傅開香社  
太守任公新莫謂中郎之後人  
佳話他年留玉帶  
祥光此日見金身  
成蹊先與僧家便  
別占吳趨一段春

早歲文壇已擅名  
偏於濁處獨能清  
吹簫學乞情彌壯  
擊筑悲歌氣未平  
嬌女賦成花鳥笑  
楞嚴注後水天明  
方徽閱世猶如昨  
底是前賢勝後生

青衫欲溼遇何奇  
賸有芳名遠近知  
妙筆幾多傳畫幀  
癡情偶爾寄文詞  
一杯久已成荒冢  
十笏還將作廢祠

從此嵯峨更氣象  
林火香埽地有專司

尚挂當年供佛燈  
蒲團結坐待高僧  
多情好說無邊法  
大覺應參最上乘  
紅雨紛飛前後樹  
綠雲低冑短長藤  
種花幸得逢賢宰  
休認河陽是武陵

吳縣 沈大猷 蘭齋

都穆應教骨化塵  
六如軼事至今新  
青山久已埋奇士  
白眼何曾有世人  
厭聽寧王吹鐵笛  
劇憐賈島鑄金身  
流連曠世逢僊吏  
分與河陽一縣春

對山淪落坐聲名  
君亦淤泥自潔清  
張祜終身違北闕  
劉生一諾重東平  
半簾花雨吹塵暗  
長日鑪香裊篆明

憑薦谿毛憑酌酒容他文祝話前生  
才名難強數艱奇寫幅丹青海外知團扇家家書豔體  
弓衣處處織新詞死當埋骨要離冢生可圖形屈子祠  
三百年來風雅振長留佳話在官司

茅屋蒲團無盡燈休疑此老啞羊僧能超色界非非想  
不入名場上上乘說法還耽蓮社酒題詩頓貴剡溪藤  
參禪即可登僊界樹樹桃花似武陵

褚鄰杜 藹士

尋來踏遍落花塵一片平時艸色新認去絕無三斬板  
此中曾有八叉人疎狂誰解生前跡慧悟如同定後身

觸目不勝荒廢感豈知泉下閨風春

日下爭知國士名盟心絕似太湖清琵琶應早憎摩詰  
資業由來妒屈平自有文章驚海內何須黼藻入承明  
青山埋盡金貂骨姓氏誰傳到後生

耽詩愛酒命偏奇曠達何求世上知後代競珍名士筆  
空山能重逸人詞愁羈庾信徒哀逝識比陽明未奉祠  
今日六如亭館換寧王廢邸有誰司

淒涼久暗壟中燈才子憐才訪老僧廢圃還因名句著  
天花也要好風乘黃鶯掠水穿楊柳蝴蝶沿籬弄紫藤  
魂魄還依蘇小墓同心松柏結西陵

指九壤墳

陽湖彭潛

片碣荒涼歷劫塵欣看三絕勒碑新  
半生積毀難銷骨一縣栽花後  
有人勝地續開文酒會祇林忽見宰官身  
中丞風雅重提唱郢調爭傳滿路春  
本爲逃名轉得名醉中長醒濁長清  
辭成黃絹宜稱絕畫到青山不喜平  
四海倦游神落漠一燈皈佛性空明  
庵居依舊桃千樹前度人來路未生  
不怨無媒命共奇佯狂肯受俗情知  
空將香艸離騷恨寫入蓮花乞食詞  
傲對王侯惟縱酒喜邀文祝與同祠  
吾廬應比平泉勝樵牧無虞賴有司

會從蓮社證傳燈興味渾如退院僧  
去幻來真成大覺放開撇下埽  
三乘晚年畫品兼神逸少日詩篇盡葛藤  
端藉衡裁撥墨妙他時壓載過巴陵

寶山沈卓春帆

誰教廢圃埽浮塵僊境今開別館新  
卜地好鄰沽酒市入門重遇看花人  
才向白傅還依佛狂到青蓮只賸身  
夢墨亭邊桃欲放黃鶯對語舊時春  
紛紛羣屐競虛名靜寄香龕此地清  
碧海忽經三度淺章江曾見一波平  
隔簾花鳥娛人老入室溪山照眼明  
除卻閒愁千萬種男兒那作可憐生

漫道才人數值奇偏於異代結深知家風本擅蘭臺賦  
 寓意猶存菊隱詞綠酒澆來三尺土紅霞飛到十弓祠  
 蜀山畱得東坡像曾遣荆溪父老司夫子任荆溪勸東坡像於蜀山書院  
 貝葉頻繙伴一燈須知不是坐禪僧綺羅隊裏眉還舞  
 風雪叢中興也乘彭澤尚教敬痠菊輞川卻笑蔓寒藤  
 散仙消受文人拜花酒何曾到五陵

蘇州汪章成緯堂

風流休訝隔前塵客到先驚署榜新瀟灑鄴侯無俗骨  
 滑稽曼倩本僊人改窗燕欲迷香壘翦蔓花多近樹身  
 化鶴歸來應小住紅雲堆裏過三春

天放劉伶以酒名纖埃冑礙滿懷清人能遺俗應無匹  
 詩到工愁總不平嬾漫襟期嵇叔夜淒涼心事沈初明  
 姚江勲績垂鐘鼎宰相如何失駱生  
 君患才多數易奇姓名畱待後人知閒情欲補鴛鴦社  
 健筆能題鸚鵡詞艸長碧雲埋斷碣花飛紅雨落遺祠  
 孝宗實錄分明在脞說何因玷主司  
 遠近樓臺欲上燈踏青餘興約尋僧斜陽隔暖孤筇穩  
 春水橋低小艇乘題壁忽添新蘸墨編籬還借舊牽藤  
 式廬表墓煩賢宰遺策應教出節陵

寶山金元鑰單舟

休論佛劫與僊塵文藻能教易世新代有江山畱故宅  
須知詩酒得傳人飛卿涕灑陳琳檄宋玉居安庾信身  
三百年來才子地而今宿艸又逢春

落魄休教歎數奇文章壽世卽真知青衫四海無前輩  
黃絹千秋有妙詞不盡風流紅杏里幾家煙火絳桃祠  
墓門不待青蠅吊花月年年與爾司

跌坐蒲團對一燈生涯賣畫冷於僧非關命值庚寅薄  
早識讒從戊午乘題牘空登千佛品摘瓜并斫數畦藤  
相如放誕稱同調何處秋風吊茂陵

長洲 尤正宸 蘇亭

碑昏細雨像昏塵喜見茅庵特地新一代才名無此客  
千秋同調更何人驕王畢竟無真賞古刹聊爲寄幻身  
此日辦香脩墓祭楚吳騷雅一家春

埋花乞酒數偏奇贏得狂名婦孺知北郭稱詩誰繼起

西堂懷古有清詞高祖梅庵公有詩藝林遺墨藏真蹟芳

隲穠華倚小祠重把長歌歌一闋風流絕勝杜分司

吳縣 邵春水 未齋

古刹書樓付劫塵當年歌嘯事如新不逢此日神明宰  
誰問前朝放誕人節異青蓮徵遠見品同穎士想前身  
一從宋玉曾脩墓蔓艸荒煙又幾春

憶訪香臺對佛燈  
拈花微笑問禪僧  
能將放浪全清節  
任是顛狂亦上乘  
塊壘消憑吳市酒  
綺羅寫寄越溪藤  
新詩題比商邱好  
未許廬陵讓宛陵

元和陳原吉 謫如

未許風流等劫塵  
僊才曠代倍鮮新  
勾吳名士餘三子

居士與文衡山祝枝  
山徐昌穀號四才子宏治文章第一人  
點筆繪成山水

蜜銜碑棲老薜蘿  
身任他蒼狗浮雲幻  
猶見桃花鵝裏春

失職才人命自奇  
青蠅玷壁有誰知  
西風怨入吳趨曲  
夜月愁聽白苧詞  
松桂當年開小築  
蘋蘩今日奠遺祠

九原曾把縣津感  
表墓而今屬有司

元和陳廷椒 琴山

紫陌香消一丈塵

居士

荒庵此日忽更新  
百年感慨歸

吾輩一代才名讓  
此人歌扇舞衫追往事  
酒尊吟筆憶前身  
重開僊館連蘭若  
依舊桃花滿院春

莫歎生前數獨奇  
文章曠代有人知  
試吟白雪蒙頭句  
勝唱黃河遠上詞  
題柱鑿楹尋舊蹟  
繪圖勒記認新祠  
賢明華胄憐才甚  
激澹風懷繼左司

吳縣凌壽祺 介福

偶著南都桂籍名  
卽論文思偏人清  
興高揮麈王夷甫

性癖游山向子平繡佛持齋空夢幻鯉僊贈墨記分明  
兩閒無限閒風月都向才人筆底生  
誰向黔羸叩數奇才華易代結深知編書尚賴袁樞本  
弔古惟傳宋玉詞芳樹千花循舊蹟寒泉一掬薦新祠  
使君重把風騷振不獨焚香似三司

長洲 蔣懋昭 東橋

園屬唐家不改名半弓精舍有餘清門前翠竹千竿影  
屋外青溪一鑑平曉起忽聞蓮漏遠夜闌時映佛燈明  
桃花本是天造種合向僊人家畔生  
高才自負數偏奇文字還教曠代知綠水一灣環故宅

烏絲萬首寫新詞地連煙靄香山榭湖接滄浪子美祠  
二楚風騷推大令關情不減杜分司

寶山 王元灝 照遠

祠墓荒涼歷劫塵客遊花隴客愁新行藏至竟關乎命  
詩酒誰教老此人圃近伯鸞庶後地品高摩詰傳中身  
元都分種桃千樹長占年年茂苑春  
佯狂豈是學求名遊戲人間心跡清蕙苴無端嗟馬援  
升沈何必問君平當時富貴雲俱滅隔世才華月共明  
空記大羅天上事罡風吹下可憐生

吳縣 陸鳳藻 丹儀



北里猶傳落拓名小樓慣聽曲聲清師如周雋甘居俗  
友似張靈不喜平畫燈詩筒襟澹蕩藥鑪茗椀境空明  
如如悟得無生偈六六時中過此生

宗盟異代續傳燈琳館重開竹院僧說法曾聞持四偈  
觀空久已徹三乘雲山粉本傳吳會風雅筠牋託剡藤  
從事青州君舊友十千沽酒問蘭陵

吳縣 高翔麟 慧樓

陌上花飛陌上塵武陵人到便生新能收吳下諸名士  
倍惜前朝一散人幾卷鴻文邀鉅眼三生蝶夢認前身  
桃枝不改東風豔徧作河陽滿縣春

落魄輕他世上名畫圖經卷賸餘清過江有集悲羅隱  
登嶽何年羨向平靜對密庵朝爽挹幽棲學圃夕陽明  
青山不買非耽隱酒熟酣歌慷慨生

吳縣 顧後英 瑤圃

好竝滄浪子美名一灣綠水濯纓清結廬近市心終澹  
對酒當歌氣漸平落紙煙雲聊變幻悟禪露電久分明  
笑他鸚鵡矜文采多少樊籠了一生  
宮臨磨蝎命多奇每感才人曠代知共道鳴琴無廢事  
時於弔古寫新詞何須葬近陶家側直使名齊季子祠  
一勺廉泉畱作沼看花莫擬社分司

元和尤藻翔春昉

不博詞章後世名，卿狂真箇濁能清。有奇時向丹青發，何物堪澆塊壘平。館築恬如潘正叔，杯闌興逐管公明。闡幽豈僅緣文字，節概還欽魯兩生。

光明相對讀書燈，供得茶瓢亦號僧。范蠡曾傳猶鑄像，張靈可許復陪乘。何當門映重重樹，佇看籬垂裊裊藤。料得秋孃墳畔蝶，還應夜夜夢青陵。

吳縣劉澂詩

散僊蹤蹟付浮塵，祠宇今看俎豆新。荷鍤劉伶俱達士，銜杯李白共傳人。鶯花莫負當前景，詩酒偏娛見在身。

滿隲緋桃曾手植，年年省識舊時春。

奇才誤爾飲香名，十載鉛華夢亦清。醉墨每從歌席灑，春波閒放伎船平。高情不數倪元鎮，知己惟推祝允明。白骨黃金詞帳悵，難將公案問三生。

吳縣江沅鐵君

鳴琴官閣淨無塵，尋勝重教舊蹟新。縱酒看花原快事，疏泉鑿石要才人。橫塘省識秋風墓，按居士卒於嘉靖二年，祝京兆志其墓云在橫塘之王家郵崇禎甲申井研雷起劍與徐元

歎葉羽遐毛子晉馬人伯孫月在釋石林諸人訪得之井研有記勒石其桃花陽墓碑則古塔因依處士身知嘉靖五年胡太守纘宗所立也。

否唐衢凡骨換，僊桃不比世閒春。

吳縣 談孝銑 柳堂

佯狂博得酒人名誰識襟懷自潔清  
宿艸有人增愛惜  
落花得句本和平尋來古蹟心偏切  
看到奇文眼倍明  
從此公門桃更盛吳中定有洛如生

吳縣 徐朝福 星齋

惆悵荒庵漸作塵憐才人至景重新  
勝畱十笏笙歌地  
品重千秋翰墨人非狷非狂非故我  
是僊是佛是前身  
桃花應向東風笑名士墳前二月春

元和 胡 洵

曠達由來任偶奇而今異代遇心知  
殞宮共指無雙士  
楹帖先看絕妙詞近與梁鴻傳古墓  
遙偕魯望配叢祠  
式廬正值鳴琴暇重見風流韋左司

吳縣 貝 璿 春畦

自古才高命數奇長歌勒石又誰知  
種花幸有河陽令  
索句漸無郢客詞傲骨自應依筆冢  
酒人從此喚僊祠  
絳桃一笑稱知己長向花神感有司

吳縣 顧光榮

看花縱酒漫傳名風月高懷品獨清  
閉戶著書閒復逸  
先幾識變險能平誤將知己投元敬  
應悟規詞祇允明  
自古才人悲遇阻沈淪天使作狂生

長洲 蔣連璧 璞庭

落拓當年數亦奇，懷才何必俗人知。  
已拋陽羨山中業，爭寫旗亭壁上詞。  
半畝荒涼章氏宅，千秋輝映白公祠。  
要知僊吏憐才甚，不讓商邱冠有司。

吳縣 汪國琛 獻東

桃花僊去脫凡塵，僊吏來時景又新。  
半畝亭臺三尺土，一家詩酒六朝人。  
才名自合推前輩，簿尉何能辱此身。  
消受池邊清水照，吳門放足十分春。

長洲 張吉亨 春臺

記得佯狂不染塵，流傳軼事尚如新。  
耽於麴蘖偏談佛，

說到科名解笑人。青艸一陂留舊蹟，絳桃千樹認前身。

百年又遇知音客，坐使荒庵得再春。

康熙間宋尚書曾表墓

吳江 沈欽道 桐莊

蓬萊僊骨謫紅塵，三百餘年事尚新。  
碑墓半蕪誰醉酒，風流一代有傳人。  
桃花欲寄生前影，蕉葉難醒夢裏身。  
為語狂生休悵悵，銷魂時節是濃春。

吳縣 張繼烜 桂巖

如此才華數獨奇，曠懷畢竟受人知。  
漸無華屋山邱感，欲補花枝酒盞詞。  
地近清風梅尉宅，名分皓月水僊祠。  
種桃移得桃源種，吟興堪追韋左司。

吳縣羊元騏鳳橋

詩人少達遇多奇異代頻邀國士知  
大白直堪澆舊冢  
小紅試遣唱新詞  
鶯花歷亂香山社  
煙水迷漫笠澤祠  
添箇桃僊為伴侶  
爭將麗句問春司

元和蔣宮藻劔雲

清狂不逐綺羅塵  
韻事重題蹟愈新  
桑樹幾回留佛宿  
桃花曾否識僊人  
劇憐風月繁華地  
聊寄琴尊落拓身  
閒寫溪山應失笑  
幾時遇著武陵春

新陽葛耀霞墅

才子難忘第一名  
驂鸞回首夢三清  
昭君未識毛延壽  
北海虛聞禰正平  
蒼狗浮雲真變幻  
青蠅止棘未分明  
吹簫擊鼓情無奈  
流水桃花過此生

吳縣孫保安芭堂

莫惜能文遇必奇  
稜稜風節幾人知  
桂枝淮上空招隱  
蘭杜滄浪自製詞  
月魄還來三老墓  
墨丸可乞九僊祠  
從今管領桃千樹  
更勝蓉城作主司

長洲王政孝施

此地桃花舊有名  
虛窗殘照鳥聲清  
好同杞菊籬藏曲  
不比滄浪徑取平  
宋玉秋風多感慨  
東坡春夢未分明  
緇經早悟真如諦  
何必人間乞再生

蘇州毛慶臻益亭

不藉筵尊問偶奇賣漿織履亦相知  
三春跌宕逢場戲一肚牢愁醒世詞  
落魄書生理骨地招魂騷客補僊祠  
憐才宋玉同唐勒開府江南竝有司

吳縣管秀瀛時齋

一分流水二分塵重見桃花此地新  
僊若有靈應識我樹猶如此倍憐人  
能收阮籍窮途泪好慰劉蕡下第身  
詞賦家風三楚秀問誰絕調和陽春

元和趙澍時霖

色相全空出世塵風流姓字至今新  
離騷熟讀真名士

天女同游卽化人詩骨冷埋金粟地  
酒狂夜跨彩鯨身城西一帶桃花水  
也漾桃源一半春

吳縣徐宗暘清華

不屑尋常一第名雲煙供養有餘清  
書齋太僕燈長寂荒艸寧王墓已平  
獨有高樓人悵望遂令僊館字分明  
遙遙三百餘年士知己頻逢只此生

吳縣李文泰景吉

從來才子數偏奇隔世欣逢一本知  
流水平橋重問路汀蘭沅芷又成詞  
卽今冒雨詩題碣何必秋風客哭祠  
子美墳頭誰下拜傾心只有杜分司

風流埽卻綺羅塵  
庵號桃花取意新  
李白難忘千尺水  
淵明欲訪此中人  
祇因謠詠疑當路  
竟以疎狂老此身  
三百年來誰繼起  
請看有腳播陽春

吳縣 彭希召

蘇州 徐鶴立羣

才高自古數多奇  
畱取風流曠世知  
宋玉原同唐勒友  
文姬未補蔡邕詞  
莫憐瓊樹偏無種  
試看豐碑尚有祠  
舊館重開觴詠地  
散僊新領八霞司

元和 薛之鈞 萊苑

科名磨蝎數同奇  
白骨青山異代知  
落拓半生餘涕泗

樓遲一世賸詩詞  
何人肯訪徵君墓  
此地還同白傅祠  
四百橋頭傳韻事  
桃花僊句屬春司

吳縣 顧瀛 企洲

驅馳南北菴頭塵  
歸坐桃庵景象新  
書畫至今稱漫士  
雲山終古屬詞人  
家居竝豔金閨地  
夙慧重來玉局身  
僊令憐才同宋玉  
數株帶得武陵春

吳縣 盛匯 漢鶴汀

僊骨珊珊本出塵  
偶然下筆總鮮新  
慣尋跌宕看花侶  
不是尋常賣畫人  
莫以周臣疑妙蹟  
將毋馬遠是前身  
丹青十載長安道  
何日山居寫富春

長洲朱蘊輝 耀先

僊館而今乍得名廉泉映徹長官清  
憐才到處文章振愛士先推獄訟平  
埽盡落花芳徑出芟將蔓艸晚煙明  
讀書樓畔堪懷古風節真當訓後生

吳縣夏南薰 賡虞

莫以春殘怨數奇落花心事有人知  
自題淺白深紅畫好補斜風細雨詞  
華表歸來丁令鶴楊枝望去樂天祠  
杜鵑爭比天桃盛僊館還應玉女司

蘇州蔣錫琳 季輝

茫茫碧海幾揚塵畱得桃僊姓字新  
拋擲金丹成達士摩挲銅狄笑凡人  
途窮阮籍空浮世宅竝羅含漫寄身  
一望繽紛無雜樹今年春勝昔年春

無錫鄒植義

一龕佛火有殘燈梵唄終年聽老僧  
笑語枝山花又放狂招夢晉鶴同乘  
尋詩客至摩殘碣載酒人來倚古藤  
寒食梨花無麥飯蕭蕭多少北邙陵

吳縣周家楨 蓮塘

芳樹曾悲化作塵紅霞又是一番新  
鶯啼燕語三吳地白袷青衫兩晉人  
但覺淋漓齊拍手不知坎壤日躔身  
桃花莫把唐花看等待湘南有腳春



獨有奇才不化塵紅羊劫後景增新百年鴻跡同僊跡  
千古詩人是酒人幾處青燐埋短碣飛來白鶴認前身  
桃花博得唐衢笑散作江南萬點春

吳縣金焯顯哉

吳縣顧春雷越門

花州吳宮付劫塵風流詞翰尚清新眼空佛國三千界  
名是江南第一人自信虞翻無媚骨卻教殷浩賸閒身  
蔚藍天色天桃放添得盈盈水面春

長洲褚鳴雍寄汀

自信僊才數合奇牢騷不受俗人知誰能買骨求燕市

惟有招魂費楚詞詩酒流連尋古蹟煙雲供養識新祠

紅英滿地人還惜杜宇催他青鳥司

蘇州王之福介堂

鯉僊贈墨檀才名寄蹟林泉境自清人到疎狂知有託  
宵多牢落未能平畫圖絕勝唐希雅書品還同祝允明  
一陽桃花千石酒達觀何必善謀生

吳縣朱兆熊應占

筮策分明判偶奇逃名只要寸心知一生花鳥千人石  
五夜笙歌十院詞狂學劉伶長荷鍤憤深靳尚欲燒祠  
清香一瓣  
領丹藻應教散吏司

花陰聯吟

罕

吳縣 顧廷需 薇湄

濟北淮南慕盛名 西江映徹滿懷清 秋風蓴菜歸帆穩

落日花洲曲沼平

寧庶人 在百花洲

嬉笑文章同輩少 艱難出

處見機明有時幽憤無端哭 彷彿嵇生與阮生

吳縣 彭希詢 墨莊

放廢何須歎數奇 表章異代感心知 碧雲宮裏曾移種

白石溪邊自諧詞 菊隱還同筠隱記 詩僊合竝酒僊祠

天桃應有吟魂寄 好倩元都道士司

元和 談孝曾 少魯

一種佯狂舊有名 登樓指點尚神清 潑洒洗硯池新闢

零落埋花冢 漸平笑罵文章蘇 玉局詼諧詩句李家明

回頭五老青山送 不作紅蓮幕下生

吳縣 彭希魏 莘畬

燕臺久已重才名 何處浮雲蔽太清 不盡牢騷花下吐

無多恩怨酒間平 早知吳淠心難測 肯使圭峯見獨明

羅紀 避宸 濠入深山 自署頭銜稱散吏 豈知晚節是經生

蘇州 何正基 開英

秀參五遁究三奇 不藉文章異日知 閱歷溪山供潑墨

尋常花艸助填詞 幾株柳綠淵明宅 一片波清宗玉祠

繞樹千回君慰否 年年風月有人司

才人無奈數逢奇香艸終邀楚客知世界三千僊寄跡  
佳辰百五客填詞隲鄰城闕梁鴻冢名亞湖濱范蠡祠  
幾樹夭桃欣得地他年風月有專司

吳江龐達册

詹尹能占正則奇如公放浪孰相知都將月地雲階夢  
寫入梅梢柳絮詞楚客由來饒麗句吳儂從此喚僊祠  
橫塘間說畱荒冢尚有松楸待典司

吳縣顧鍾琦俊夫

萬數乘除始一奇文人不偶古人知夢中細問三生石

吳縣錢棠召封

醉裏狂歌九辨詞芳樹繽紛花作館僊源屈曲水流祠  
此間別有詩人境不許劉晨阮肇司

長洲顧夢魁謙光

全身可復得全名醉倚高樓笑語清吳下鶻聲三月喚  
章江鱷浪一朝平自知夢後詩腸洗敢望人間肉眼明  
家學風騷知不替向來原以句爲生

唐子西句  
元和顧道泰星階

詩篇劉白舊齊名誰似僊才秀骨清貰酒客應尋賀監  
掃花人欲問方平風翻貝葉心常靜雨滴芭蕉聽倍明  
造業青錢堪唾棄燒金不倩耿先生

長洲 蔣國忠 省軒

拋卻青衫遇數奇悠悠不望俗人知  
書櫺鹿脯顏公帖  
價重雞林白傅詞百五江城提酒榼  
兩三燕子睇叢祠  
九歌讀罷天休問大小神君把命司

童星燦竹樓

京洛歸來不染塵惟將好句鬪清新  
無家何點從初志  
遺令邠卿刻逸人對酒頻邀杯底月  
看家倍惜鏡中身  
使君重把風騷振不讓紅橋賦冶春

吳縣 樊廷萼 紹堂

僊館爭傳此日名才人節竝長官清  
記成菊隱懷元亮

薦到蘭芬慰屈平黃土長教游客重  
綠波重向小池明  
桃花笑與東風說一百年來似隔生

墳自康熙甲戌脩後又百餘年矣  
震澤 趙 堦 繼高

花隴爭傳達士名周遭竹樹盡含清  
疎枝綴綠三春淺  
新漲揉藍一水平醉後尋花埋片土  
樓中吹笛到天明  
紅霞齊向僊人放也似桃原洞口生

吳縣 黃魯溪 杏川

僊骨從來不染塵偶然點筆至今新  
須知摩詰詩中畫  
原是江淹夢裏人巧引漁郎迷舊路  
誤將花影認前身  
即看簇簇桃成徑也比棠陰護早春

長洲張麟書

博得風流第一名書聲慣和曲聲清韓娥過市梁猶繞  
李白飛觴氣欲平蛺蝶尚隨團扇舞緋桃曾傷紙窗明  
商邱以後無人到空有閒花滿地生

吳縣顧瑛蓉庵

祠門寂寞鎖芳塵僊館今看結構新賴得龔黃為地主  
本來屈宋是鄉人偶然游戲如前夢賸有文章即後身  
繞屋絳桃還映面穠華猶占十分春

吳縣黃寶邦步香

勝地曾經染宿塵僊才歷劫總生新長留玉版參禪地

靜寄金臺失意人堪笑郎君同乞相肩隨御史自呈身  
一杯鬱鬱桃花陽占盡江南二月春

吳縣王安瀾少山

茅庵寂寞久封塵館以僊名跡乍新屋外青旗招酒客  
墓門紅雨吊詩人清狂自有傷心泪游戲何妨自在身  
要伴桃花源裏客空庭點綴幾枝春

吳縣王朝鼎柳橋

畢竟僊才絕後塵能教風月逐時新不逢太白稱狂客  
且學天隨作散人竹石相依三尺土煙波合置五湖身  
若無洞口桃千樹縱有垂楊未覺春

坡僊尚惜命艱奇若亦懷才後世知  
四偈靈山真實義  
一聲河滿斷腸詞夕陽芳艸迷荒冢  
古木寒雅賸舊祠  
風裏落花誰是主絳桃此日有專司

吳縣 程仁祺

震澤 陳 封 杜洲

吳中七子競名餘事猶傳翰墨清  
到眼青山隨筆湧  
隔簾紅雨滿階平簪花傅粉狂楊慎  
鉏桂升蕭痛景明  
閒訪讀書樓畔路錦囊埋處曉雲生

吳江 陳 封 鏡墀

重爲僊源洗俗塵桃花幾樹乍經新  
當時跌宕誰知己

此日才華有替人一第幻成文字獄  
百年猶認畫圖身

時吳竹虛宋枝山諸公皆有圖長教故宅畱餘韻  
艸木依然滿眼春

長洲 汪 稅棠 耕香

難教名士困風塵自署頭銜散吏新  
吳下鶯花三畝宅  
章江波浪一邱人  
尊鱸興動能全節鸚鵡才高不累身  
豈獨詩文昭曠代天桃幾樹伴濃春

吳縣 唐 景煌 竹莊

準提往歲話前塵此日重經紺宇新  
佳話長畱三影句  
瓣香原是家人清  
泉白石詩中畫  
流水桃花劫外身  
靜夜鐘魚今古夢  
醒來勘破十分春

三百年來才子名重鐫一卷見冰清因知異地源流合  
偶感前人池館平酒國靈山原不隔元燈佛火卻長明  
我家舊有遺真在欲繼清芬愧後生

長洲 李啟瀛 香林

鶴市雞陂盡幾塵唐園結構忽鮮新百年樵采無餘路  
千古才華有幾人卜築重分方外地吟懷獨立樹邊身  
繽紛欲把桃源認好放桃花處處春

誤玷程門命亦奇放言物外有心知千金幣卻雄藩聘  
三畝宮吟散吏詞牆角寒梅捫古碣簾前春燕啼新祠  
不生才子來吳會第一風流孰主司

